



Inatsisartuni ilaasortaq Mimi Karlsen
Inuit Ataqatigiit

Umiarsualiveqarfiit pillugit § 37 naapertorlugu apeqquteqaammut 2018-094-imut akissut

12-06-2018
Suliaq normu: 2018-11884
Allakkiaq normu: 30769225

Asasara Mimi Karlsen

Inatsisartut suleriaasianni § 37 naapertorlugu apeqquteqaatinnut nassiussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1: Naalakkersuisut nunatsinni talittarfiit iluarsartuunnissaannut qanoq pilersaaruteqarpat?

Akissut:

Naalakkersuisut talittarfiit iluarsaanneqarnissaannut pilersaarutaat Umiarsualivinnut Pilersaarut 2017-2027-mi, ukiakkut ataatsimiinnermi UKA2017-imi Inatsisartunut agguanneqartumi allaaserineqarput. Immikkoortumut pilersaarut nunatsinni talittarfeqarfiit iluarsaannissaannut aserfallatsaaliorneqarnissaannullu suliniutissanik imaqarpoq.

Apeqqut 2: Talittarfiit iluarsaattuunneqassappata periuseq suna atorlugu tulleriarneqassappat?

Akissut:

Nunap immikkoortuinit aserfallatsaaliuiffiusussanit tallimaasunit ataatsimi ukiumoortumik qanoq issutsimik nalunaarsuineq tunngavigalugu talittarfiit suut iluarsaanneqassanersut tulleriarneqarput. Ukiumut aningaasanut inatsimmi kontomi 87.73.12 "Umiarsualivinnut talittarfinnullu aningaasaleeqqinnerit" talittarfinnik iluarsaassinissamut 27,7 mio. koruunit immikkoortinneqartarput. Taamaallilluni aningaasanut inatsimmi politikkikkut tulleriarinerit iluarsagassat qanoq amerlatiginissaannut annertutiginissaannullu aalajangiisuusarput.

Apeqqut 3: Nunaqarfinni illoqarfinniluunniit talittarfiit iluarsartuunnissaanni qanoq pingaarnersiuisoqassava? Qanorlu akeqassappat?

Akissut:

Ineqarnermut Attaveqatigiinnermullu Naalakkersuisoqarfiup aningaasanut inatsimmi aningaasaqarnermut killiliussat, kiisalu qanoq issutsimik nalunaarsuinerup inernerit tunngavigalugit illoqarfinni nunaqarfinnilu iluarsaassinissat suuneri tulleriarparpai. Talittarfinni iluarsaassinerit akii iluarsaassassat suuneri malillugit allanngorarput.

Apeqquut 4: Royal Greenland aalisartut talittarfiisa iluarsartuunneqarnissaanut qanoq peqataatinneqartarpa?

Akissut:

Talittarfinnik iluarsaassinermi illoqarfimmi nunaqarfinniluunniit umiarsualivimmut pisortaasoq akuutinneqartarpoq. Umiarsualivimmik atuisunut inuussutissarsiortunullu, soorlu Royal Greenlandimut, ataqatigiissaarinerit pisariaqartitsinertut naliliinerit malillugit ingerlanneqartarput.

Apeqquut 5: Maniitsumi aalisartut talittarfiat pingaarnersiunerimi qanoq inissisimava?

Akissut:

Maniitsumi aalisartut talittarfiata qanoq issusia 2018-imi nalunaarsuiffiqineqassaaq, tamatumalu kingorna talittarfiup aserfallatsaalineqarnissaanut pilersaarusiortoqassaaq suliassamullu akinut missingersuusiortoqassalluni. Iluarsaassinerup 2019-imi ingerlanneqarnissaa piffissalernerqarpoq, kisiannili matuma siuliani taaneqartutut aningaasanut inatsimmi suliassanik tulleriarinerit aningaasaqarnermullu killiliussat talittarfiit suut iluarsaanneqarnissaannut aalajangiisuussapput.

Inussiarnersumik inuulluaqqusillunga


Simon Simonsen